

III. OUTRAS DISPOSICIÓN

CONSELLERÍA DE EDUCACIÓN, UNIVERSIDADE E FORMACIÓN PROFESIONAL

EXTRACTO da Orde do 10 de febreiro de 2020 pola que se convocan axudas para a realización de actividades de formación en lingua estranxeira no ano 2020, destinadas ao alumnado dos centros docentes sostidos con fondos públicos, en réxime de concorrencia competitiva (código de procedemento ED504B).

BDNS (Identif.): 496912.

De conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, publícase o extracto da convocatoria cuxo texto completo se pode consultar na Base de datos nacional de subvencións (<http://www.pap.minhap.gob.es/bdnstrans/index>).

Primeiro. *Beneficiarios*

Alumnado de centros sostidos con fondos públicos da Comunidade Autónoma de Galicia que estea a cursar durante o curso 2019/20, no réxime xeral, 1º, 2º, 3º ou 4º da educación secundaria obligatoria ou 1º ou 2º de bacharelato.

Segundo. *Obxecto*

Establecer as bases e convocar axudas, en réxime de concorrencia competitiva, para realizar as actividades de formación, dirixidas á mellora das competencias en lingua estranxeira do alumnado de distintos niveis dos centros docentes sostidos con fondos públicos en Galicia, durante o ano 2020.

Terceiro. *Bases reguladoras*

Orde do 10 de febreiro de 2020 pola que se convocan axudas para a realización de actividades de formación en lingua estranxeira no ano 2020, destinadas ao alumnado dos centros docentes sostidos con fondos públicos, en réxime de concorrencia competitiva (código de procedemento ED504B).

Cuarto. *Importe*

Importe total da convocatoria: 1.483.323,30 euros.



Nº de prazas: 1.600.

Importe individual: a contía da axuda para cada persoa beneficiaria será a resultante de aplicar a diferenza entre o custo por praza e a achega que lle corresponda segundo os custos e os grupos de achega familiar (A, B, C e D) sinalados na táboa seguinte e de acordo co procedemento aplicado para a súa selección e asignación a un grupo de achega familiar:

Curso	Modalidade	Duración	Nº prazas	Custo por praza (€)	Achega das familias (€)			
					Grupo A	Grupo B	Grupo C	Grupo D
2º bach.	Inglés en Canadá	3 semanas	80	2.950	375	670	1.180	1.475
	Inglés no Reino Unido	3 semanas	90	2.244,55	285	510	898	1.122
	Francés en Francia	3 semanas	15	2.244,55	285	510	898	1.122
	Portugués en Portugal	3 semanas	5	2.000,13	254	454	800	1.000
1º bach.	Inglés no Reino Unido	3 semanas	150	2.244,55	285	510	898	1.122
	Inglés en Canadá	3 semanas	135	2.950	375	670	1.180	1.475
	Inglés en Canadá-integración	4 semanas	30	3.367	428	764	1.347	1.684
	Inglés en Galicia	1 semana	50	755,04	96	171	302	378
	Francés en Francia	3 semanas	15	2.244,55	285	510	898	1.122
	Portugués en Portugal	3 semanas	5	2.000,13	254	454	800	1.000
4º ESO	Inglés en Galicia	1 semana	50	755,04	96	171	302	378
4º ESO	Inglés en Galicia	2 semanas	90	554,18	70	126	222	277
3º ESO	Inglés en Galicia	2 semanas	180	554,18	70	126	222	277
2º ESO	Inglés en Galicia	2 semanas	325	554,18	70	126	222	277
1º ESO	Inglés en Galicia	2 semanas	380	554,18	70	126	222	277
					1.600			

Quinto. Prazo de presentación de solicitudes

Un mes, contado a partir do día seguinte ao da publicación desta orde no *Diario Oficial de Galicia*.

Santiago de Compostela, 10 de febreiro de 2020

Carmen Pomar Tojo
Conselleira de Educación, Universidade e Formación Profesional

